

---

OFFERYNNAU STATUDOL CYMRU

---

**2022 No. 1259**

**Rheoliadau Cynllun Morol, Pysgodfeydd a  
Dyframaethu (Cymorth Ariannol) (Cymru) 2022**

**RHAN 3**

Talu grantiau a gwneud benthyciadau gan Weinidogion Cymru

**Gorfodi**

**14.**—(1) Mae gan swyddog gorfodi morol swyddogaeth orfodi mewn perthynas ag unrhyw drosedd neu drosedd a amheuir (er enghraifft, trosedd o dwyll o dan Ddeddf Twyll 2006<sup>(1)</sup>) gan unrhyw berson mewn perthynas â chais am grant neu fenthyciad a wneir o dan y Cynllun hwn.

(2) Mae adran 238 (gorfodi'r ddeddfwriaeth pysgodfeydd) o Ddeddf y Môr a Mynediad i'r Arfordir 2009<sup>(2)</sup> yn gymwys mewn perthynas â'r swyddogaeth a roddir gan baragraff (1) fel y mae'n gymwys mewn perthynas â gorfodi'r ddeddfwriaeth pysgodfeydd.

(3) Yn y rheoliad hwn—

mae i “y ddeddfwriaeth pysgodfeydd” yr un ystyr ag a roddir i “the fisheries legislation” yn adran 238(2) o Ddeddf y Môr a Mynediad i'r Arfordir 2009;

mae i “swyddog gorfodi morol” yr un ystyr ag a roddir i “marine enforcement officer” yn adran 235(1)(b) o Ddeddf y Môr a Mynediad i'r Arfordir 2009.

---

<sup>(1)</sup> 2006 p. 35.

<sup>(2)</sup> 2009 p. 23. Diwygiwyd adran 238 gan O.S. 2013/755 (Cy. 90), O.S. 2019/746 a chan adran 48 o Ddeddf Pysgodfeydd 2020 (p. 22) a pharagraffau 6 a 30 o Atodlen 10 iddi.